

Ianao koa, tia anao i Jesoa!

Ry sakaizako, mba fantatrao moa fa tia anao Jesoa? Moa fantatrao fa maty teo amin'ny hazofijaliana ho an'ny olombelona rehetra Izy? Mbola zaza ve ianao? Na efa antitra angamba ianao? Maty ho anao koa Jesoa.

...Jiolahy ve ianao, mpangalatra, mpandainga, mpamono olona, mpisandoka? Tia anao Jesoa ary te hamony anao.

...Mpanao ody mpanompo an'i Satana hatramin'ny fahazazanao ve ianao, mapidi-doza ny fiaraha-monina, mamono mahafaty ankizy, vehivavy, lehilahy, mpihetraketraka, mpanapoizina ny mpiara-belona? Mihorohoro sy mandositra izay rehetra lalovanao, satria tena mampididoza ianao; iatahan'ny fianakavianaو ianao noho ireo devoly ao aminao, noho ny fanahy ratsy ao aminao. Rehefa mba mihiratra ka mahatsiaro saina ianao dia manontany tena ny amin'ny antony ahavelomanao eto an-tany, saininao ny antony mahatonga anao hanao izao asa ratsy izao, ary manontany tena ianao hoe ahoana no nahatonga anao toy izao? Zavatra iray loha no tsarovy: na habibiana toy izany aza ny fiaianao, dia tia anao Jesoa ary te hamony anao.

...Boka angamba ianao, hatrany an-tampondoha ka hatrany am-paladia, tsy misy rantsantongotra intsony, na sofina na orona, sima ny vatanao, fantaro izao: ianao koa, tia anao Jesoa ary te hamony anao.

...Tovovavy mandany fotoana amin'ny fanimbana ny tokantranon'ny hafa noho ny hatsarantarehinao ve ianao? Mampivarilavo ny namanao ao am-pianaranana, any amin'ny toeram-piasana, ao an-tanàna? Angamba efa nanala zaza ianao, na nitady hanapoizina ny namanao, ny fahavalonao, nampiteraka ady teo amin'ireo lehilahy naniry anao; ny sasany aza maty na mbola marary noho ny aminao, noho ny asa ratsinao. Manontany tena ny amin'ny antom-pisianao ianao ankehitriny; tsaroanao daholo ny ratsy nataonao, ary dia manontany tena ny amin'ny valiny omanin'Andriamanitra ho anao ianao. Rehefa mieritreritra izany ianao dia mihoron-koditra satria renao fa hotsarain'Andriamanitra indray andro any ny olona rehetra araka ny asany avy. Misendaotra ianao, satria fantatrao fa ny HELO no miandry anao. Mampahery tena kely ianao ka minia mihevitra izany ho anganonganano fotsiny ihany, ary te hanery ny fieritreretanao hihevitra fa tsy misy Andriamanitra

...Tovolahy angamba ianao, nanao zavatra toraka izany koa, ary tonga amin'izany tsoa-kevitra izany koa. Ianao koa, dia miditra ho isan'ny tsy mino an'Andriamanitra mba hampitony ny eritreritrao.

Ry namako, fitahin'i Satana ianao. Na amin'ny fomba ahoana na amin'ny fomba ahoana dia fantatrao izay miandry anao. Na eo aza anefa ireo fitondrantenanao mahatsiravina ireo, tiako ny milaza aminao anio fa misy fanantenana ho anao, satria Andriamanitra, noho ny fitiavany, dia naniraka ny Zanany hamony anao amin'izany toerana misy anao izany. Tia anao koa Jesoa, ary te hanadio anao amin'ny rany mba ho tonga madio eo anatrehan'Andriamanitra ianao.

...Lehilahy, vehivavy na ankizy mandamaka eo am-pandrian'ny hopitaly noho ny aretina, na loza, na famosaviana, na fanapoizinan'ny sasany angamba ianao, aoka ho fantatrao izao: tsy very ianao, fa Jesoa eo akaikinao, tia anao Izy ary te hamony anao.

...Nandika lalàna tany ho any angamba ianao, ary ankehitriny dia mijaly ao an-tranomaizina, eo koa Jesoa hamony anao.

...Mpiasam-panjakana ambony ianao, lehibe, tale, tompon'andraikitra ambony nahazo toerana tamin'ny alalan'ny famosaviana, fanapoizinana, fosafosa, lainga, taratasy tsy misy sonia: nihetrapetrahanao ny olona rehetra mba hahatraranao ny zava-kendrenao; ary ankehitriny dia eo am-pelatananao ity taratasy ity: aoka ho fantatrao fa tsy kisendrasendra izany. Milaza aminao Jesoa fa na dia teo aza ireo zava-dratsy vitanao ireo, dia tia anao koa Izzy. Avy namaky ireo andàlana vitsivitsy ireo ianao, ary gaga raha nahita fa na dia eo aza ny toerana misy anao sy ny fitondrantena ratsinao, dia tia anao koa i Jesoa. Henoy àry izay lazain'ny Mpamponjinao anao : "Tsy ny finaritra no mila mpanao fanafody, fa ny marary. Tsy tonga hiantso ny marina Aho fa ny mpanota" (Marka 2.17). Azonao an-tsaina ve izany? Tonga ho an'ny olona tahaka anao i Jesoa. Hitanao! misy lìlan-kivoahana ianao, tsy iza izany lìlana izany fa i Jesoa.

...Hilaza angamba ianao fa vahiny amin'ny firenen'ny Isiraely izay nomen'i Jesoa ireo teny fampaherezana ireo: Afrikana ianao, na avy any Azia, na Europeana... aoka ho fantatrao anefa fa ho anao koa ny tenin'ny Tompo, ary henoy ange ny fanohizany ny teniny aminao e: "Mijere Ahy, dia ho voavonjy ianareo, ry vazan-tany rehetra! fa Izaho no Andriamanitra, ka tsy misy hafa" (Isaia 45.22). Mihamazava aminao ve? Hoy ianao hoe vita ny aminao, nampijaly loatra ny

mpiara-belona aminao ianao, nanapotika fiaianana maro ianao, ary mihevitra ianao fa tsy misy tokony hifampiraharahanao amin'Andriamanitra intsony. Niteny an'izao sy izao ianao noho ny fahotanao. Kanefa i Jesoa milaza aminao hoe : "Anio, raha hihaino ny feoko ianareo, aza manamafy ny fonareo" (Hebreo 4.7).

Eo an-tananao ity taratasy ity, aoka ho fantatrao fa ny "anio"-nao izany, ary Andriamanitra miteny hoe: aza manamafy ny fonao. Ho famaranana, ny Fanahy Masina dia mbola manome anao izao hafatra izao : "Hataontsika ahoana no fandositra raha tsy mitandrina izao famonjena lehibe izao isika?" (Hebreo 2.3). Ry sakaizako, efa fantatrao àry fa tia anao Andriamanitra, fantatrao sahadys fa Jesoa Zanany dia eo hamony anao. Tsy mba ao anatin'ny tsy fahalalana intsony ianao, te hampahiratra ny masonao Andriamanitra amin'ny alalan'ity taratasy ity, ka miteny aminao hoe: "Fa toy izao no nitivan'Andriamanitra izao vontolo izao: nomeny ny Zananolahy Tokana, mba tsy ho very izay rehetra mino Azy, fa hanana fiaianana mandrakizay" (Jaona 3.16). Noho izany dia manoloana safidy roa ianao izao: MINO KA HO VOAVENTY na TSY MINO KA HO VOAHELOKA. Eny, manoro mazava tsara ny lìlan-kombana Andriamanitra noho ny fahamoram-pony lehibe. Hoy Izzy, "Efa nataoko teo anoloanao ny fiaianana sy ny fahafatesana, ary ny fitahiana sy ny fanozonana; koa mifidiana ny fiaianana mba ho velona ianao" (Deuteronomia 30.19). Te hihaino an'Andriamanitra ve ianao? Sa kosa, toy ny nolazain'ny Apostoly Paoly hoe "hamavoinao ny haren'ny fahamoram-panahiny sy ny fandefarany ary ny fahari-pony, satria tsy fantatrao fa ny fahamoram-panahin'Andriamanitra dia mitaona anao hibebaka? Fa ny ditranao sy ny fona tsy mibebaka no iraketanao fahatezerana ho anao amin'ny andro fahatezerana sy fampisehoana ny fitsarana marin'Andriamanitra" (Romana 2.4-5). Voasoratra ihany koa hoe:

"Fa ankehitriny Andriamanitra dia mandidy ny olona rehetra amin'izao vontolo izao hibebaka, satria Izzy efa nanendry andro iray, izay hitsarany izao vontolo izao"

(Asan'ny Apostoly 17.30-31). Mitaona anao miaraka amin'ny Apostoly Paoly izahay: "Solon'i Kristy izahay ka mangataka indrindra aminareo hoe: mihavàna amin'Andriamanitra anie ianareo"

(2 Korintiana 5.20) dieny mbola tsy tara loatra.

Raiso ny fampihavanana atolotr'Andriamanitra anao: mibebaha, ekeo ny maha-mpanota mendrika hiharan'ny

fitsarana marin'Andriamanitra anao, nefo minoa koa fa dia anao i Jesoa ary nanolotra ny tenany ho anao. Niaretany teo amin'ny hazofijaliana ny fitsarana tokony ho nozakainao noho ireo otanao marobe, mba hamelan'Andriamanitra anao. Nahatsapa tena ilay jiolahy nohomboana teo anilan'i Jesoa fa valin'ny otany izao ihantony eo amin'ny hazo fijaliana izao. Kanefa dia njery an'i Jesoa tamim-pinoana izy ka nilaza taminy hoe: "Jesoa ô, tsarovy aho". Teo noho eo ihany i Jesoa dia namaly azy hoe: "Anio no hihaonanao amiko any Paradisa" (Lioka 23.41-43).

Eny, milaza amintsika ny Baiboly hoe: "Koa ankehitriny dia tsy misy fanamelohana ho an'izay ao amin'i Kristy Jesod" (Romana 8.1). "Izay rehetra nandray Azy dia nomeny hery ho tonga zanak'Andriamanitra" (Jaona 1.12), ary tsy misy na inona na inona, hahasarakaka antsika amin'ny fitiavan'Andriamanitra izay ao amin'i Kristy Jesoa Tompontsika (Romana 8.39).

"*Izany no nosoratako aminareo, izay mino ny Anaran'ny Zanak'Andriamanitra, mba ho fantatrareo fa manana fiainana mandrakizay ianareo*" (1 Jaona 5.13).

FIVAROTAM-BOKY KRISTIANA

- Fianarana Baiboly maimaimpoana
- Fivarotana boky kristiana amin'ny vidiny mirary
- Fampindramana boky kristiana

ANTANANARIVO

Lot IV L 39 D

Anosivavaka Ambohimanarina

101 – Antananarivo

Làlan'ny Bus 194 Akaikin'ny Pâtisserie Le Clafoutis

Tel : (261 20) 23 330 67

Portable : 032 42 552 35

e-mail : christmadabiblio@yahoo.fr

ANTSIRABE

**Portable : 034 04 639 11
033 02 402 61**

TÖLAGNARO

Villa Emmanuel

Lot II D 040

Bazar kely

614 - Tölagnaro

**Portable : 033 14 576 73
032 41 493 16**

TOAMASINA

Boulevard Joffre

Portable : 033 06 655 30

Editeur : BPC- La bonne semence. France

Réf. SA001
Toi aussi, Jésus t'aime

**Ianao koa,
tia anao i Jesoa**